



Broj: 10-01-11-389-3/22

Mostar, 12. decembra 2022.

Na osnovu člana 5. Zakona o kantonalnim ministarstvima i drugim tijelima županijske uprave („Službene novine Hercegovačko-neretvanskog kantona”, broj: 4/98, 1/02 i 4/07) i Odluke Vlade HNK o usvajanju Programa utroška novčanih sredstava utvrđenih Izmjenama i dopunama Budžeta HNK za 2022. godinu Ministarstvu trgovine, turizma i zaštite okoliša s pozicije „Transfer neprofitnim organizacijama”, broj: 01-1-02-3372/22 od 8. decembra 2022. godine, Ministarstvo trgovine, turizma i zaštite okoliša, objavljuje

## JAVNI POZIV

**za odabir projekata koji će se sufinansirati iz sredstava „Transfer neprofitnim organizacijama” planiranih Izmjenama i dopunama Budžeta HNK za 2022. godinu**

### I

#### (Predmet javnog poziva)

Predmet Javnog poziva je prikupljanje projekata za raspodjelu sredstava „Transfer neprofitnim organizacijama” utvrđenih u razdjelu 35, organizaciona jedinica 35010001, ekonomski kod 614 300 utvrđenih Izmjenama i dopunama Budžeta HNK za 2022. godinu Ministarstvu trgovine, turizma i zaštite okoliša („Službene novine HNK”, broj 11/21 i 7/22).

### II

#### (Raspored sredstava, prihvatljive programske aktivnosti i pravo učestvovanja)

Sredstva iz tačke I Javnog poziva raspodijeljena su po sljedećim programskim aktivnostima:

##### **PROGRAMSKA AKTIVNOST 1**

Sufinansiranje manifestacija od značaja za turističku ponudu Hercegovačko-neretvanskog kantona u 2022. godini čiji su organizatori neprofitne organizacije odnosno manifestacija koje svojim sadržajem i kvalitetom privlače posjetioce/turiste, nezavisno od nekih drugih događanja ili turističkih atrakcija koje se nalaze u blizini mjesta održavanja manifestacije u ukupnom iznosu od 150.000,00 KM (slovima: stotinu pedeset hiljada konvertibilnih maraka i 00/100).

**Prihvatljive programske aktivnosti:** manifestacije koje svojim sadržajem i kvalitetom doprinose unaprjeđenju i obogaćivanju turističke ponude HNK, razvoju sadržaja koji omogućavaju produljenje sezone, stvaranju prepoznatljivog imidža hercegovačko-neretvanskog turizma i podizanju marketinške vrijednosti HNK kao cjelovite destinacije (muzičke manifestacije, zabavne manifestacije, eno-gastronomске manifestacije, historijske, tradicijske i ostale manifestacije)

**Pravo učestvovanja:** pravo učestvovanja imaju udruženja sa sjedištem na području HNK, upisana u Registru udruženja koji se vode kod nadležnih organa na kantonalnom ili federalnom nivou koja su programski usmjerena na rad u području turizma.

## PROGRAMSKA AKTIVNOST 2

**MJERA 1** Sufinansiranje projekata volonterskih akcija čišćenja, uređenja zelenih površina, jezera, rijeka i drugih prostora od javnog interesa i pošumljavanja površina u ukupnom iznosu od 170.000,00 KM (slovima: stotinu sedamdeset hiljada konvertibilnih maraka i 00/100)

**Prihvatljive programske aktivnosti:** konkretne aktivnosti uređenja, čišćenja, pošumljavanja, ozelenjivanja; konkretne aktivnosti uklanjanja divljih odlagališta otpada uz uspostavljanje mjera za sprječavanje njihovog ponovnog nastajanja (postavljanje korpa za odlaganje otpada, informativnih tabla i sl.) i sl.

**Pravo učestvovanja:** pravo učestvovanja imaju udruženja sa sjedištem na području HNK, upisana u Registre udruženja koji se vode kod nadležnih organa na kantonalnom ili federalnom nivou koja su programski usmjerena na rad u području zaštite prirode i okoliša

**MJERA 2** Sufinansiranje projekata podizanja ekološke svijesti kroz različite aktivnosti, programe i kampanje koje zagovaraju ekološke ideje u ukupnom iznosu od 80.000,00 KM (slovima: osamdeset hiljada konvertibilnih maraka i 00/100)

**Prihvatljive programske aktivnosti:** aktivnosti edukacije, informiranja i promocije na temu zaštite okoliša i održivog razvoja kroz održavanje stručnih tribina, predavanja, okruglih stolova, štampanje promotivnih publikacija i letaka, promotivne kampanje u elektronskim medijima i sl.

**Pravo učestvovanja:** pravo učestvovanja imaju udruženja sa sjedištem na području HNK, upisana u Registre udruženja koji se vode kod nadležnih organa na kantonalnom ili federalnom nivou koja su programski usmjerena na rad u području zaštite prirode i okoliša

### III

#### (Bez prava učestvovanja)

Pravo na podršku nemaju neprofitne organizacije koje nisu izvršile ugovorne obaveze prema Ministarstvu odnosno nisu opravdale namjensko trošenje ranije dodijeljenih im sredstva s budžetske pozicije Ministarstva.

### IV

#### (Kriteriji za dodjelu sredstava)

Da bi podnosilac zahtjeva ušao u konkurenciju za odabir po Javnom pozivu mora ispuniti formalne-pravno uslove učestvovanja. Prilikom vrednovanja prijava koje ispunjavaju formalno-pravne uslove, primjenjivat će se sljedeći kriteriji:

- prijavljeni projekat doprinosi zaštiti okoliša, prirode i održivom razvoju HNK
- projekat je u skladu s prioritarnim područjima iz Javnog poziva
- prijavljeni projekat usmjeren je ka postizanju neposredne društvene koristi
- ciljevi i aktivnosti projekta su jasni, opravdani i provedivi
- prijavitelj i partner(i) imaju dovoljno iskustva, kapaciteta i učesnika za provođenje projekta
- osigurano finansiranje prijavljenog projekta i iz drugih izvora
- vjerovatnost da se korist od prijavljenog projekta nastavi nakon isteka finansijske podrške
- stepen saradnje i partnerstva s lokalnim vlastima, školama, vrtićima, organizacijama civilnog društva i dr.
- dosadašnji postignuti rezultati u radu podnosioca zahtjeva
- ovlašten predstavnik/ca podnosioca zahtjeva je lice mlađe od 35 godina.

Svaki kriterij utvrđen u stavu 1. ovog člana ocjenjuje se ocjenom od 0 do 10, u skladu sa sljedećim kategorijama ocjenjivanja: 0 = nema podataka, 2 = nedovoljno, 4 = dovoljno, 6 = dobro, 8 = vrlo dobro, 10 = odlično.

Maksimalni broj bodova po prijavljenom projektu je 100. Prijavljeni projekat koji u postupku ocjenjivanja ne ostvari najmanje 50 bodova, ne može ostvariti pravo na sufinansiranje.

## V

### (Dokumentacija za učestvovanje na Javnom pozivu)

#### Dokumentacija ZA SVE PODNOSIOCE mora sadržavati:

1. Popunjen i ovjeren Obrazac zahtjeva
2. Popunjen i ovjeren Obrazac 1
3. Popunjen i ovjeren Obrazac 2
4. Rešenje o registraciji udruženja izdato od strane Ministarstva pravosuđa, uprave i lokalne samouprave HNK ili Federalnog ministarstva pravde prije 1.1.2022. godine, iz kojeg se vidi sjedište i registrovana djelatnost udruženja
5. Izvod iz Registra Ministarstva pravosuđa, uprave i lokalne samouprave HNK ili Federalnog ministarstva pravde – ne stariji od 3 (tri) mjeseca u odnosu na dan objave Javnog poziva
6. Rješenja o poreznoj registraciji (ID broj - identifikacijski broj)
7. Uvjerenje o izmirenim poreznim obavezama - ne starije od tri (3) mjeseca u odnosu na dan objave Javnog poziva\*
8. Uvjerenja o izmirenim obavezama prema MIO/PIO i zdravstvenom osiguranju - ne starija od tri (3) mjeseca u odnosu na dan objave Javnog poziva\*
9. Potvrda/uvjerenje banke o vlasništvu i broju transakcijskog računa udruženja, u kojoj će biti i izričito navedeno da isti nije blokiran - ne starija od tri (3) mjeseca u odnosu na dan objave Javnog poziva
10. Potpisana i ovjerena Izjava o ranije primljenim državnim pomoćima DE MINIMIS, koje su podnosiocu zahtjeva dodijeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj:10/12 i 39/20) i Uredbom o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18) (Obrazac 3)
11. Program organizacije manifestacije ili drugog događaja odnosno aktivnosti za čiju se organizaciju-održavanje traže novčana sredstva kao dokaz navoda iznesenih u podnesenom zahtjevu

**Napomena:** \*Udruženja koja nemaju zaposlenih, trebaju dostaviti izjavu da nemaju zaposlenih, i da nemaju poreznih obaveza, obaveza prema MIO/PIO i zdravstvenom osiguranju, ovjerenu kod nadležnog organa.

#### Neobavezna dokumentacija:

1. Referentna lista (popis do sada realizovanih projekata koji dokazuju saradnju s lokalnim vlastima i drugim neprofitnim organizacijama)
2. Izjava o visini vlastitih sredstava kojima će podnosilac zahtjeva učestvovati u finansiranju projekta i/ili ugovor o sufinansiranju projekta ako postoji partner/i na projektu
3. Lista profesionalne sposobnosti i CV voditelja projekta (popis lica koja učestvuju u stručnoj realizaciji projekta kao dokaz posjedovanja dovoljno iskustva, kapaciteta i učesnika za provođenje projekta)
4. Kopija lične karte kao dokaz da je ovlašteni predstavnik/ca podnosioca zahtjeva mladi/a od 35 godina.

## VI

### (Važne napomene)

Podnosilac zahtjeva za dodjelu sredstava „Transfer neprofitnim organizacijama“ može konkurisati na Javni poziv samo jednim projektom.

U koverti može biti samo jedan projektni prijedlog, a ako u jednoj koverti ima više projekata prijava se odbacuje.

Svi dokumenti, koji se kao dokaz predaju uz obrazac zahtjeva projekta, moraju biti originalni ili ovjerene kopije, ne starije od tri (3) mjeseca u odnosu na dan objave Javnog poziva.

Dokumenti koji se šalju na Javni poziv ne vraćaju se podnosiocima zahtjeva, a prijavnii obrasci **moraju biti popunjeni elektronski**.

Podnosilac zahtjeva dužan je sve promjene vezane za adresu sjedišta, telefonski broj, bankovni račun, prijaviti u roku od sedam (7) dana.

## VII

### (Zajedničke odredbe)

#### a) Neprihvatljivi troškovi

Sredstva podrške ne mogu se koristiti za:

- Troškove redovnog poslovanja podnosioca zahtjeva (plaće i ostala primanja zaposlenih, troškove prevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade);
- Izradu studija, elaborata, projektne i druge dokumentacije;
- Najam i kupnju vozila;
- Troškove redovnog kancelarijskog poslovanja;
- Za sve druge troškove koji nisu vezani za realizaciju kandidovanog projekta i ciljeve programa.

#### b) Način podnošenja zahtjeva

Zahtjevi za dodjelu novčanih sredstava podnose se Ministarstvu trgovine, turizma i zaštite okoliša HNK na aplikacijskom obrascu koji se može preuzeti na web-stranici Ministarstva <http://www.mtto-hnz-k.ba> i Vlade HNŽ-K [www.vlada-hnz-k.ba](http://www.vlada-hnz-k.ba)

Popunjeni propisani obrasci zajedno s priložima koji se zahtijevaju Javnim pozivom dostavljaju se **ISKLUČIVO** poštom, preporučeno u zatvorenoj koverti na adresu:

**MINISTARSTVO TRGOVINE, TURIZMA I ZAŠTITE OKOLIŠA HNK**

**Prijava na Javni poziv**

**„Transfer za neprofitnim organizacijama**

**PROGRAMSKA AKTIVNOST \_\_\_ MJERA \_\_\_“ NE OTVARAJ**

**Braće Fejića bb**

**88 000 Mostar**

Zahtjeva dostavljene drugim putem (npr. putem faksa ili e-mail), neće biti uzete u razmatranje.

#### c) Rok za podnošenje zahtjeva

Javni poziv objavljen je na web stranici Ministarstva <http://www.mtto-hnz-k.ba> i Vlade HNŽ-K [www.vlada-hnz-k.ba](http://www.vlada-hnz-k.ba), a obavijest o javnom pozivu u Večernjem listu i Dnevnom avazu.

Rok za podnošenje zahtjeva na temelju objavljenog Javnog poziva istječe u **srijedu, 28. decembra 2022. godine**.

#### d) Zahtjevi koji se neće razmatrati

Neće se razmatrati zahtjevi koji su:

- Neblagovremeni (dostavljeni nakon isteka roka navedenog u Javnom pozivu)
- Nepravilno naslovljeni (ako na koverti nije naznačen broj programske aktivnosti i mjere na koju se aplicira)

- Nepotpuni (nije dostavljena sva tražena obavezna dokumentacija zbog čega zahtjev ne ispunjava formalno pravne uslove za učestvovanje)
- Neusklađeni s programskim aktivnostima i ciljevima iz Javnog poziva (ne odnose se na programske aktivnosti navedene u članu II Javnog poziva)

**e) Način objave rezultata**

Objavom odluke o izboru korisnika sredstava te popisa podnosilaca zahtjeva koji nisu uvršteni na listu korisnika, s navođenjem razloga neuvrštavanja, na web stranici Vlade HNK i Ministarstva trgovine, turizma i zaštite okoliša svi podnosioci zahtjeva smatraju se obaviještenim o rezultatima Javnog poziva.

**VIII**

**(Završne odredbe)**

S korisnicima koji ispune uslove i kriterije za dodjelu sredstava iz tačke IV i V Javnog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama u realizaciji projekta za koji su sredstva odobrena.

Korisnici sredstava kojima budu odobrena sredstva obavezni su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom i fiskalnim računima na osnovu koje se dokazuje namjenski utrošak sredstava.

Nadzor i provjeru namjenskog utroška sredstava vrši Ministarstvo trgovine, turizma i zaštite okoliša putem svoje stručne komisije koju imenuje ministar.



**MINISTAR**  
*Ajdin Teletović*  
**Ajdin Teletović**